

REGLUGERÐ FRAMKVÆMDASTJÓRNARINNAR (EB) nr. 2382/2002**2005/EES/58/05****frá 30. desember 2002****um breytingu á reglugerð (EBE) nr. 94/92 um nákvæmar reglur um innflutning frá þriðju löndum sem kveðið er á um í reglugerð ráðsins (EBE) nr. 2092/91 (*)**FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af reglugerð ráðsins (EBE) nr. 2092/91 frá 24. júní 1991 um lífræna framleiðslu landbúnaðarafurða og merkingar þar að lútandi á landbúnaðarafurðum og matvælum ⁽¹⁾, eins og henni var síðast breytt með reglugerð framkvæmdastjórnarinnar (EB) nr. 473/2002 ⁽²⁾, einkum 1. mgr. 11. gr.,

og að teknu tilliti til eftirfarandi:

- 1) Skráin yfir þriðju lönd, sem tiltekna landbúnaðarafurðir, sem eru lífræn framleiðsla, verða að vera upprunnar í til að markaðssetja megi þær í Bandalaginu, sbr. 1. mgr. 11. gr. reglugerðar (EBE) nr. 2092/91, er sett fram í viðaukanum við reglugerð framkvæmdastjórnarinnar (EBE) nr. 94/92 ⁽³⁾, eins og henni var síðast breytt með reglugerð (EB) nr. 1162/2002 ⁽⁴⁾. Sú skrá var samin í samræmi við 2. mgr. 11. gr. reglugerðar (EBE) nr. 2092/91.
- 2) Gildistími skráningar Sviss í skránni, sem kveðið er á um í 1. mgr. 11. gr. reglugerðar (EBE) nr. 2092/91, rennur út 31. desember 2002. Gildistími skráningar Argentínu, Ástralíu, Tékklands, Ungverjalands og Ísraels rennur út 30. júní 2003. Til að komast hjá röskun í viðskiptum þarf að framlengja skráningu þessara landa.
- 3) Viðkomandi þriðju lönd hafa látið framkvæmdastjórninni í té viðeigandi upplýsingar um framkvæmd reglna, sem eru sambærilegar við þær sem eru settar í reglugerð (EBE) nr. 2092/91. Auk þess hefur skilvirkt

framkvæmd verið staðfest með vettvangsrannsóknum framkvæmdastjórnarinnar í þessum þriðju löndum.

- 4) Ungversk yfirvöld hafa tilkynnt framkvæmdastjórninni að tiltekinn aðili, sem annast skoðun og gefur út vottorð, hafi lagt niður starfsemi í Ungverjalandi. Því ber að fella heiti þess aðila brott úr viðaukanum við reglugerð (EBE) nr. 94/92.
- 5) Því ber að breyta reglugerð (EBE) nr. 94/92 í samræmi við það.
- 6) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem um getur í 14. gr. reglugerðar (EBE) nr. 2092/91.

SAMÞYKKT REGLUGERÐ ÞESSA:

1. gr.

Viðaukanum við reglugerð (EBE) nr. 94/92 er breytt eins og fram kemur í viðaukanum við þessa reglugerð.

2. gr.

Reglugerð þessi öðlast gildi 1. janúar 2003.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 30. desember 2002.

Fyrir hönd framkvæmdastjórnarinnar,

Franz FISCHLER

framkvæmdastjóri.

(*) Þessi EB-gerð birtist í Stjtið. EB L 358, 31.12.2002, bls. 120. Hennar var getið í ákvörðun sameiginlegu EES-nefndarinnar nr. 142/2003 frá 7. nóvember 2003 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá *EES-viðbæti við Stjórnartíðindi Evrópusambandsins* nr. 7, 12.2.2004, bls. 21.

⁽¹⁾ Stjtið. EB L 198, 22.7.1991, bls. 1.

⁽²⁾ Stjtið. EB L 75, 16.3.2002, bls. 21.

⁽³⁾ Stjtið. EB L 11, 17.1.1992, bls. 14.

⁽⁴⁾ Stjtið. EB L 170, 29.6.2002, bls. 44.

VIÐAUKI

Ákvæðum viðaukans við reglugerð (EBE) nr. 94/92 er breytt sem hér segir:

1. Eftirfarandi komi í stað 5. liðar textans sem fjallar um Argentínu, Ástralíu, Tékkland, Ungverjaland, Ísrael og Sviss:

„5. **Gildistími skráningar** 30.6.2008“

2. Í textanum sem fjallar um Ungverjaland:

— í 3. lið falli orðin „og SKAL“ brott,

— í 4. lið falli orðin „og SKAL (skrifstofa í Ungverjalandi)“ brott.
